

## Ro Ta Yems Ibeede

<sup>1</sup> Nio Yems. Nio mbesoonjo ki Anutu mi Merere kiti Yesu Kresi. Anbeede sua ti ima piom Israel un bizin laamuru mi ru ta kombot leŋaleŋa irao lele ta boozomen. Aigule ambaiŋana ima piom. Nonoono.✧

### *Toomboŋana ipombol urlaŋana kiti*

<sup>2</sup> O niom toŋmatiziŋ tio, sombe patanaŋa matakiŋa indeeŋe yom, na irao leleyom ndabok men.✧ <sup>3</sup> Pa niom kuute: Toomboŋana sa isombe indeeŋe yom, mi sombe kikiskis urlaŋana tiom, nako ipombol yom be kemender mbolŋana mi kabaada patanaŋa.✧ <sup>4</sup> Tana kemender mbolŋana mi kiskis urlaŋana tiom. Naso patanaŋa tana ipiyooto nonoono ambaiŋana piom, mi mbulu tiom iŋgeeze kat, mi karao pa mbulu ki Anutu.

<sup>5</sup> Sombe tomtom tiom sa, irru ŋgar ambaiŋana, na bela isuŋ Anutu be ikam lene ŋgar pakan. Ni ko ikam pini. Pa ni mata merereŋana. Ikamam sorok koronŋ matakiŋa pa tomtom ta boozomen. Mi ni niini gesges somŋana.✧ <sup>6-7</sup> Sombe tomtom sa isuŋ Anutu pa koronŋ sa, na bela isuŋ raama leleene iurla. Mi leleene iwe ru pepe. Pa sombe leleene iwe ru, nako Anutu ikam kosa sa pini som. Pa tomtom ta kembena, ni kembei duubu ta miiri

---

✧ **1:1:** Mt 13:55; Yo 7:35; Nŋo 15:13; Ga 1:19 ✧ **1:2:** Mt 5:11+; Ibr 12:11; 1Pe 1:6 ✧ **1:3:** Ro 5:3+; 1Pe 1:7 ✧ **1:5:** 1Kin 3:9+; Tut 2:3+; Mt 7:7; Yo 15:7

ikam ma ipol kankaana. Ila kena, ila kena. ✧ <sup>8</sup> Tana ito mbulu tamen som. Pa ngar kini ruruᅇa tau.

*Tomtom sorokᅇana mi tomtom ta le koronᅇ boozo*

<sup>9</sup> Sombe tomtom urlaᅇana sa ni sorokᅇana, na irao leleene ndabok mi niini ise. Pa ni tomtom zaanaᅇana pa Anutu mataana. ✧ <sup>10</sup> Mi tomtom ta le koronᅇ boozo na, sombe ikilaala kembei koronᅇ kini ta boozomen tana koronᅇ sorok pa Anutu mataana, na ni tommini irao leleene ndabok. Pa ni ko imbot su toono ma alok na som. Molo som to imeete kembei ta manman pwoono. ✧ <sup>11</sup> Iti tuute manman pwoono. Sombe zoᅇ ise mi ikan, to imelle mi itop ma ka aigau imbiriizi. Ina zaala tamen tau pizin wal tau len koronᅇ boozo na. Ko tikamam uraata kizin mi ila ila ma aigule tasa, to timap. ✧

*Toomboᅇana ka mbulu*

<sup>12</sup> Sombe toomboᅇana ise ki tomtom sa mi iwati pa sanaana, mi ni imender mbolᅇana ma ilip pa toomboᅇana tana, inako indeeᅇe kampeᅇana biibi. Pa Anutu ko ikam le mogar ta kizin wal ta tiporou ma tilip na. Mogar tana na, mbotᅇana mata yaryaaraᅇana ta Anutu imbuk ka sua pataaᅇa kek be ikam pizin wal ta tiur lelen pini na. ✧

<sup>13</sup> Mi kere! Sombe toomboᅇana ise ki tomtom tasa mi iwati pa sanaana, na ni isuk sua pa Anutu pepe. Kokena iso ta kembei: “Inᅇi ko Anutu ta iwat yo i.” Na som. Pa Anutu, ni iwadat ti som. Mi koronᅇ sananᅇana sa irao be iyaaru Anutu be ikam sanaana na som. <sup>14</sup> Iti tomtom itundu lelende, ta ipeyei ngar sananᅇan mi iwadat ti, mi

---

✧ **1:6-7:** Mk 11:24   ✧ **1:9:** Yems 2:5   ✧ **1:10:** Mbo 90:5+, 103:15+; 1Kor 7:31   ✧ **1:11:** 1Yo 2:17   ✧ **1:12:** 2Tim 4:8; 1Pe 5:4; Tur 2:10

iyaryaaru iti be takam sanaana.✧ 15 Ka zaala ta kembei: Ngar sananņana imanņa piti munģu. Mi sombe nģar tana imbotmbot ma iwe biibi, tona iur nģonoono mi ipeebe mbulu sananņana. Mi sombe mbulu sananņana ila ila ma iwe biibi, to ipeebe meetenņa.✧

16 O niom tonģmatiziņ tio ta leleņ piom ilip na, kere yom. Kokena nģar sa ipandelndel yom. 17 Koronģ ambaimbaiņan mi ndabokbokņan ta boozomen imar pa kar saamba. Tamanda Anutu ta ikamam piti sorok. Ni mat katuunu ta iur zonģ, puulu, mi pitik. Mi mbulu kini itortooro som, mi koronģ sa irao ipakaala mat kini mi kampeņana kini na som.✧ 18 Ni ito itunu leleene mi ikam sua kini nģonoono piti, bekena itooro iti ma tewe poponģanda, mi ikam ti ma tewe ni lutuunu bizin. Naso tewe mataana pa koronģ boozomen ta ni iur zin na.✧

19 O niom tonģmatiziņ tio ta leleņ piom ilip na, kelenģ sua tio ti mi motoyom kiskis. Iti ta boozomen bela tayaraama kwondo. Tana tipiri sua karau pepe. Telenģenģ kat sua kizin tomtom. Mi ketende malmal karau pepe. 20 Pa mbulu ki ketende malmal, ina irao be ipiyooto mbulu ndeenenģana ta Anutu leleene pa i na som. 21 Tana mbulu sananņan boozomen tau iwedet ta gorgori mi inģeeze pa Anutu mataana som na, kezem kat. Mi kokoto ituyom mi kakan la sua kini ta ni iur la leleyom kek na. Pa sua tana, mburaananģana. Irao be ikamke yom ma kombot ndabok.✧

---

✧ **1:14:** Un 3:6; Ro 7:7+ ✧ **1:15:** Ro 6:23 ✧ **1:17:** Mt 7:11; Yo 3:27; 1Kor 4:7; 1Yo 1:5 ✧ **1:18:** Yo 1:13; 1Pe 1:23; Tur 14:4  
 ✧ **1:21:** Lu 8:15; Ro 13:12; 1Kor 15:1+; Kol 3:8; 1Pe 2:1

22-23 Mi kere. Iti bela toto Anutu sua kini. Kokena telenjen sorok, mi toto som, to tapakaam itundu, mi tewe kembei tomtom ta itiiri runguunu ila natilonja, mi tamen iurpe runguunu som,✧  
 24 to ila mi lonja men mi mataana mbiriizikaala runguunu mini. 25 Tutu ki Kresi ta isan ti la sanaana mburaana, ina ambai komboono. Tana tomtom sa, sombe mataana ingalngal, mi ikiskis, mi ikamam ka mbulu, inako indeenje kampenana biibi pa uraata kini ta boozomen.✧

*Mbulu ta indeenje kat Anutu ngar kini*

26 Sombe tomtom sa iso ni iurla ki Anutu mi imbesmbeeze pini, mi tamen imboro kat kwoono som, na ni ipakaam itunu. Pa urlanana ta kembena, ina koron sorok. Ko iur nonono sa som.✧ 27 Mi urlanana ta isaana som, mi ingeeze kat pa Tamanda Anutu mataana, ina ta kembei: Tu'uluulu zin moondo mi zin noronja pa patanana kizin, mi matanda ingalngal itundu pa pai kiti. Kokena ngar toono kana ikeske iti.✧

## 2

*Lende nger pa tomtom ta boozomen*

1 O niom tonmatizij tio, niom kuurla ki Merere kiti Yesu Kresi kembei ni ta azunka katuunu mi iswe kat Anutu piti. Tana leyom nger pa tomtom ta boozomen. Kokena kapakur wal pakan, mi wal pakan na kerepiili zin.✧

---

✧ **1:22-23:** Mt 7:21,26+; Lu 11:28; Ro 2:13; Yems 2:14 ✧ **1:25:** Mbo 19:7; Ro 8:2; Yems 2:12 ✧ **1:26:** Mbo 34:13, 39:1, 141:3; 1Pe 3:10 ✧ **1:27:** Mt 25:35+; Ro 12:2 ✧ **2:1:** Mt 22:16; Ngo 10:34; Yems 2:9

<sup>2</sup> Nio anso paso? Tomtom ru. Ta, ni mbio uunu. Iru pa mburu ambaimbainan, mi kukuugu milmilnana imbot sala namaana. Mi tomtom toro, ni soroknana, mi iru pa mburu maraazanana. Niom sombe kulup yom pa sunnana, mi wal ru ta kembei tile be tigaaba yom, inako kakam parei pizin? <sup>3</sup> Ina kozo ko kapakur tomtom ta iru pa mburu ambaimbainan mi koso pini: “Mar, mbulem su mbalia ndaboknana ti.” Mi tomtom soroknana, nako koso pini ta kembei: “Ai, nu mender tana,” som, “Mar, mbulem su ta kumbun uunu.” <sup>4</sup> Kere. Mbulu tiom tana ambai? Som. Niom koso kitiiri waeyom bizin mi kipitpeleele zin ta kembei, na ngar sananana izeebe yom kek.

<sup>5</sup> O niom tonmatizin tio ta lelen piom ilip na, niom kuute som? Zin wal ta tomtom toono kan tire zin kembei zin sorroknan, ina Anutu ipeikat zin be ipombol zin ma tirao kat pa urlanana, mibe zan pa kar kini. Kar tana, ni imbuk sua munngu kek be ikam pizin wal tau tiur lelen pini na. <sup>6</sup> Tamen niom na, kerepilpiili zin wal sorroknan. Lak. Zin oi ta tiurur patajana piom mi tipamendernder yom pa sua? Ina zin mbio uunu tau. <sup>7</sup> Mi zin oi ta tipasansaana Kresi zaana ambainana ta ise tiom na? Ina zin tau. Kere som?

<sup>8</sup> Peeze ki Anutu na, ka tutu biibi ta imbot la bude ta kembei: Lelem pa tomtom ta boozomen, kembei ta lelem pa itum. <sup>\*</sup>

Niom sombe koto kat tutu tamen tina, inako

---

<sup>\*</sup> **2:5:** Lu 6:20; 1Kor 1:26+    <sup>\*</sup> **2:6:** 1Kor 11:22    <sup>\*</sup> **2:8:** Wkp 19:18

kakam kat mbulu.✧<sup>9</sup> Tamen sombe kakam mbulu raraate pa tomtom ta boozomen som, mi kapakur wal pakan, mi kerepiili zin pakan, na mbulu tiom tana iswe yom kembei komolo tutu ki Anutu kek.<sup>10</sup> Pa kere. Sombe tomtom sa ito tutu ta boozomen, mi tamen imolo pa tutu tamen sa, inako uunu kini isaana ma kembei tomtom ta imolo tutu ta munjaana men.✧<sup>11</sup> Pa Anutu tamen ta iso: “Pasaana ula pepe,” mi “Pun tomtom ma imeete pepe.” Tana nu sombe pasaana ula ka tutu som, mi tamen pun tomtom ma imeete, na ta tina. Nu molo tutu kek.✧

<sup>12-13</sup> Tana motoyom ingal ituyom be mbulu tiom mi sua tiom ito kat tutu ki Krisi. Pa tutu tana irao be isan ti la sanaana mburaana. Mi indeerje mberj kaimer na, Anutu ko itiiri iti pa tutu tana. Tana zin tau timunajai zin tomtom som na, zin tomini, Anutu ko imunajai zin som, mi iur kadoono pizin. Mi zin ta titoto mbulu ki munajana, nako nin ise mi lelen ambai.✧

*Sombe urlajana ipiyooto mbulu ambajana som, na imeete kek*

<sup>14</sup> O niom tonmatizij tio, sombe tomtom sa iso ni iurla ki Krisi, mi tamen ikamam ka mbulu som, nako urlajana kini tana iuuli be parei? Som. Pa urlajana ta kembei irao iwe zaala pini be Anutu ikamke i na som.✧<sup>15</sup> Lak, sombe tonmatizij tiom pakan len mburu som mi kan kini som, mi timbot njoobo kat,✧<sup>16</sup> mi sombe ku'uulu zin som, mi

✧ **2:8:** Mt 19:19; Ro 13:8+; Ga 5:14 ✧ **2:10:** Mt 5:19; Ga 3:10

✧ **2:11:** Kam 20:13+; Ro 13:9 ✧ **2:12-13:** Mt 5:7, 18:32+, 25:41+;

Yems 1:25+ ✧ **2:14:** Mt 7:21,26; Ro 6:15; Ga 5:6; Yems 1:23

✧ **2:15:** Lu 3:11; 1Yo 3:17+

koso sua men pizin ta kembei: “Ai, kala raama leleyom ambai mi kakam koyom kini mi kuru leynom mburu. Kokena niyom tekteege.” Nako sua tiom tana iuulu zin be parei? Som. <sup>17</sup> Ina raraate men pa urlañana. Sombe koronj ki sua men, mi ipiyotyooto mbulu ambaiñana som, na imeete kek.

<sup>18</sup> Mi tiom tasa ko imañga mi iso ta kembei: “Wal pakan timbol pa urlañana, mi wal pakan na, timbol pa mbulu ambaiñana.” Tamen nio ko anpekel ta kembei: Sombe nu urla, mi tamen kamam ka mbulu som, na sokorei ta iswe kembei urlañana ku koronj ñonoono? Som. Mi nio na, anre ta kembei. Mbulu tio ambaiñana ta izzwe kembei urlañana tio ina koronj ñonoono.✧ <sup>19</sup> Mi nu ta zzo ta kembei: “Nio ti añurla kembei Anutu tamen ta imbotmbot.” Ina ambai. Mi tamen zin bubuñana sananjan tiurla ta kembei tomini. Tanata timoto kan ma timbotmbot.✧

<sup>20</sup> Nu kankaanañom! Sombe nu so ta kembei: “Nio añurla ki Anutu,” mi tamen kamam ka mbulu som, na urlañana ku koronj ñono somñana. Parei? Ko anpaute u pa sua ti ka uunu?

<sup>21</sup> Motom ise ki tumbundu Abaraam. Ni iwe tomtom ndeenñana pa Anutu mataana be parei? Uunu imbot la mbulu kini tau ikam lutuunu Isak be iwe patoronñana pa Anutu.✧ <sup>22</sup> Re kek? Mbulu ki Abaraam, ta ikam uraata ramaki urlañana kini, mi ikam ma urlañana kini iwe koronj ñonoono kat.✧ <sup>23</sup> Tana sua ta tibeede pataañ kek na, iur ñonoono. Sua ta kembei:

---

✧ **2:18:** Yems 3:13    ✧ **2:19:** Mk 1:24    ✧ **2:21:** Un 22:1+

✧ **2:22:** Ibr 11:17+

Abaraam, ni iurla ki Anutu. Tana Anutu ipomoozi mi ire i kembei ni tomtom ndeenjñana.\*  
Uunu tana ta tipaati be “Anutu toroono.”

<sup>24</sup> Tana iti sombe tuurla, mi tamen takamam ka mbulu som, inako irao som. Bela mbulu ambainjana igaaba urlanjana kiti, tona tewe ndeenjñana pa Anutu mataana.

<sup>25</sup> Mi motoyom ise ki moori ta zaana Reap tomini. Ni moori zaala lwoono kana. Tamen iuulu zin njonjana ki Yosua ma timbot ambai, mi iurpe len zaala be tiko ma tila len. Uraata kini tana, ta ikam ma Anutu ire i kembei ni moori ndeenjñana.\* <sup>26</sup> Tana sombe tomtom sa iurla men, mi ikamam ka mbulu som, na urlanjana kini imeete kek. Kembei ta iti tomtom. Sombe bubunjanda imap piti, na temeete.\*

### 3

#### *Iti bela tomboro kat kwondo*

<sup>1</sup> O niom tonmatizij tio, kokena tomtom tiom boozo tiserseere be tipaute zin tomtom pa sua ki Anutu. Pa iti tuute: Zin wal ta so tipaute zin tomtom na, Anutu ko itiiri kat zin pa mbulu mi uraata kizin. Mi sombe tikam njoobo, na ni ko injal kat matan.\*

<sup>2</sup> Iti ta boozomen totoptop pa zaala matakiņa. Mi sombe tomtom sa irao be imboro kwoono, na ni irao kat pa mbulu ki Anutu. Tomtom ta kembena ko irao be igabiizi itunu pa mbulu ta boozomen.

\* <sup>3</sup> Kere. Iti tu'urur wooro musaana ila bapalo

---

\* **2:23:** Un 15:6; Ro 4:3    \* **2:25:** Yos 2:1+, 6:17,25; Ibr 11:31

\* **2:26:** Yems 2:17    \* **3:1:** Mt 23:8; 1Pe 5:3    \* **3:2:** Mbo 34:13; Mt 12:37; Yems 1:26



kuzuunu bekena tapazali ma ito kat zaala. Mi bapalo na, mbili biibi. Tamen wooro musaana tana irao be ikam peeze pini. <sup>4</sup> Mi woongo ta kembena. Ina koronj biibi. Mi ka peeze na, biibi som. Tamen sombe miiri mi duubu ipambiŋbiŋ woongo mataana, na tomtom peeze kana irao itooro peeze musaana tana, mi woongo ko iko pa lele ta ni isombe ila pa i. <sup>5</sup> Ina zaala tamen tau pa kwondo. Kwondo, ina koronjanda musaari. Mi ka kaljaana mi mburaana na, biibi ma ilip.

Kere. You keseene musaari, ina irao be imanga mi ikan lele pakaana ta biibi kat ma imap. ✧ <sup>6</sup> Mi kwondo ta kembena. Ina koronjanda musaari. Tamen ipeyei sua sananjan matakija boozomen, mi ipasansaana mbotjana kiti, mi ngar kiti, mi lelende, ma isaana kat. Kembei ta you ipasaana su biibi. Pa kwondo ikamam mburaana la ki kar sanaana tau. ✧

<sup>7</sup> Iti tomtom tarao be tomboro koronj sanjanjan matakija ma matan isu. Koronj su kan, tai kan, yok kan, mi zin man, ina tomtom tipamormor zin lup kek. <sup>8</sup> Tamen tomtom sa irao be imboro kat itunu kwoono na som. Pa kwondo, ina koronj sananjan kat, mi iurur niini som. Inoknok sanaana kamjana mi ipasansaana zin tomtom. ✧

<sup>9-10</sup> Kwondo tamen tau. Mi ikamam uraata ru. Pa ipakurkur Tamanda Anutu ta Merere kiti na, mi iwirri sua sananjan pa waende bizin ta Anutu iur zin kembei itunu runguunu na, mi ipasansaana zin. Tana sua mataana ru ta iwedet pa kwondo. O niom tonmatiziŋ tio, takam ta kembei pepe. ✧

---

✧ **3:5:** Mbo 12:3+, 73:8+ ✧ **3:6:** Mt 5:22; Mk 7:15 ✧ **3:8:** Mbo 140:3; Ro 3:13+ ✧ **3:9-10:** Un 1:26

11 Parei, ko tai ziru yok tilup mi tise pa yok buk-bukɲana tamen? 12 Som. Mi ko we iur ɲonoono kembei ta puke, som kaɲar iur ɲonoono kembei ta kun? Som. Mi tai ta kembena. Ko irao be itooro ma iwe yok ambaiɲana be tiwin? Na som. ✧

*Nɲar ambaiɲana imarmar pa Anutu*

13 Tomtom tiom sa, sombe ni le ɲar ambaiɲana mi ikamam kat ɲar, na bela ikototo itunu mi ikamam mbulu ambaiɲana men. Pa mbulu tana, ta ko iswe i kembei ni le ɲar ambaiɲana. ✧

14 Tamen sombe motoyom mburmbur pa waeyom bizin, mi kakamam kaisiigi be ituyom zoyom iwe biibi, na kapakur ituyom mi koso koto sua ɲonoono pepe. Kokena kapakaam. ✧ 15 Pa ɲar ta kembei imar pa kar saamba som. Ina ɲar toono kana mi ɲar kiti tomtom. Ngar ta kembei na, zin bubuɲana sananɲan ta tipeyei. ✧ 16 Paso, mbulu ki matanda mburmbur mi takam kaisiigi pa itundu zanda be iwe biibi, ina ipiyotyooto mbulu sananɲan matakiɲa. Mi ko ikam ma koron sa irao iloondo kat na som. ✧

17 Tamen ɲar ta ki kar saamba i, na ipiyotyooto mbulu ta kembei: Takamam mbulu ɲgezeɲana men, mi lelende pa mbulu luumuɲana. Mi sombe tomtom tikam ɲoobo ti, na topokot som. Mi tamanɲar pa itundu ɲar kiti som, mi tumuɲaiɲai zin tomtom. Mi tipiyotyooto ɲonoono ambaimbainan boozo. Mi takam mbulu boozomen tana ma imbol piti, mi takam raama lelende. ✧

✧ 3:12: Mt 7:16 ✧ 3:13: Ep 5:15 ✧ 3:14: Ro 2:23; 1Yo 4:20

✧ 3:15: 1Kor 2:6+; Yems 1:5,17 ✧ 3:16: 1Kor 3:3; Ga 5:19+

✧ 3:17: Ro 12:9+; 1Pe 1:22; 1Yo 3:18

18 Zin wal ta tikamam uraata be tiluplup zin tomtom ma lelen iwe tamen na, zin kembei tomtom ta iwaswaaza kini iweniwen ambaimbaijan. Kaimer uraata kizin tana kola iur nonoono, mi ipiyooto mbulu ambaimbaijan boozo. ✧

## 4

### *Tuur lelende pa koron toono kan pepe*

1 Unu parei ta malmal mi noni imbotmbot la mazwoyom? Keteyom izze pa koron bozboozo tau! Tabe ipiyotyooto mbulu tana. ✧ 2 Pa sombe keteyom ise pa koron sa, to kakam kinkiini be kakam. Mi sombe karao be kakam som, to moyom mburmbur pa waeyom bizin koron kizin. Tabe keteyom malmal, mi niomnan kononon ma koporou, mi kaparpun yom mabe kemetmeete. Nio anso kat piom. Koron ta niom leleyom pa na, kakam som paso, kuzunzun Anutu pa koron tana som. 3 Mi sombe kusunji pa koron sa, na ni ko irao ilej la sunjana tiom som. Paso, ngar tiom ambai som, mi leleyom pa koron soroksorok ki kuliyom men. ✧

4 Niom wal pakamkaamnyom! Sua ta kumbuk pa Anutu be kewe ni lene kat, ta kipizil ndemeyom pa kek. Niom kuute som? Tomtom ta sombe iur kat leleene pa koron toono kan, na ni iwe Anutu ka koi. Pa wal bozomen ta so tiur kat lelen pa koron toono kan, ina tiur koi pa Anutu. ✧ 5 Ka sua tibeede pataana kek ta kembei: “Bubunana ta Anutu iur la lelende na, ngar kini imbol be ikam ti ma tewe ni

---

✧ **3:18:** Yesa 32:17; Mt 5:9; Pil 1:11; Ibr 12:11 ✧ **4:1:** Ro 7:23; 1Pe 2:11 ✧ **4:3:** Mbo 66:18; 1Yo 3:22 ✧ **4:4:** Mbo 73:27; Mt 6:24; Yo 17:14; Ro 8:7+; 1Yo 2:15

lene men.” Sua tina ŋonoono men. Kokena niom kosombe ina sua sorok.✧

<sup>6</sup> Mi Anutu kampeŋana kini, ina biibi ma ilip. Tana sua lwoono toro iso ta kembei: Zin wal ta tipakurkur zitun na, Anutu ikototo zin. Mi zin wal ta tikototo zitun na, ni ikampewe zin.✧

<sup>7</sup> Tana kokoto ituyom, kembeeze pa Anutu, mi koporou mbolŋana be kiziiri Tomtom Sanaana. Naso iko piom.✧ <sup>8</sup> Mi koŋuru Anutu. Naso ni imbot kolouŋana piom. O niom tomtom sananŋoyom, kuurpe mbulu tiom ma ambai. Mi niom ta ŋgar tiom iwe ruruna na, kuurpe leleyom ma inŋeeze.✧

<sup>9</sup> Keseŋge mi menmeen yom mini pepe. Kayamaana kat sanaana tiom, mi leleyom ipata pa, mi katan. Kakam tinjiizi, mi leleyom ipata kat pa sanaana tiom.✧ <sup>10</sup> Mi kokoto ituyom pa Merere mataana. Naso ni iwit yom.✧

### *Taŋgal sua pa waende bizin pepe*

<sup>11</sup> O niom tonmatiziŋ tio, niomŋan waeyom bizin kaparŋgal sua piom pepe. Pa tomtom ta sombe itirtiiri waene bizin pa mbulu kizin mi inŋalŋgal sua pizin na, irepiili tutu ki Kriŋi, mi isombe iur itunu ma iwe biibi pa. Pa Kriŋi iso piti be tuur lelende pizin tomtom. Tana nu sombe tirtiiri waem bizin pa mbulu kizin, na nu to tutu kini tana mini som.✧ <sup>12</sup> Pa Anutu itutamen ta tutu

✧ **4:5:** Kam 20:3, 34:14; Ga 5:17 ✧ **4:6:** Mbo 138:6; Tut 3:34; Lu 14:11; 1Pe 5:5 ✧ **4:7:** Ep 4:27, 6:11+; 1Pe 5:8+; 1Yo 5:18 ✧ **4:8:** Mbo 24:4+, 73:28; Yems 1:8; 1Yo 3:3 ✧ **4:9:** Mt 5:4; Lu 6:25 ✧ **4:10:** Mt 23:12; 1Pe 5:6 ✧ **4:11:** Mbo 15:3; Lu 6:37; Ro 2:1; 1Pe 2:1

katuunu, mi zaana be itiiri zin tomtom pa mbulu kizin. Mi ni itutamen ta irao be ikamke zin, mi irao be ipasaana zin. Tana nu asiŋ ta sombe tiiri waem bizin pa mbulu kizin, mi so zin sananŋan?✧

### *Tapase pa itundu pepe*

<sup>13</sup> Kelen! Niom ta kozzo ta kembei: “Koozi som gaaga, to amkwai ma amla pa lele toro. Mi ko ambot pa puulu pakan mi amkam mburooŋo be amkam leyam koroŋ boozo.”✧ <sup>14</sup> Niom tina, wal kankaanaŋoyom! Koroŋ tabe ipet ta gaaga i, niom komboro? Som. Mi swoyom ta kembena. Ituyom komboro som. Pa mbotŋana tiom isu toono ti, ina kembei ta you ka kakoi ta ikumuundu, mi imbot rimen, to imap.✧ <sup>15</sup> Tana koso men ta kembei: “Sombe Anutu leleene, inako tombot mi takam uraata ti. Mi so som, inako som.”✧ <sup>16</sup> Tamen niom kozzo kembena som. Mi kapase pa ituyom mburoyom mi kalŋoyom izalla sorok. Mbulu ta kembei, ina ambai som kat. <sup>17</sup> Mi kere. Tomtom sa, sombe iute mbulu ambaiŋana tabe ikam i, mi tamen ikam som, ina ni ikam sanaana.✧

## 5

### *Sua ta ila pizin mbio uunu*

<sup>1</sup> Niom wal ta leyom koroŋ boozo na, kelen! Leleyom ipata mi kakam tinjiizi biibi. Pa pataŋana biibi ta inŋi be ikam yom i. ✧ <sup>2-3</sup> Pat gol ma silba mi mburu ambaimbaiŋan ta kondoundou lae pa ituyom na, munŋaana men kola ibuuzu ma

---

✧ **4:12:** Mt 10:28; Ro 14:4 ✧ **4:13:** Lu 12:16+ ✧ **4:14:** Mbo 39:4-11, 109:23; Yems 1:10+ ✧ **4:15:** Ngo 18:21; Ibr 6:3 ✧ **4:17:** Lu 12:47; Yo 9:41 ✧ **5:1:** Lu 6:24; 1Tim 6:9

isaana lup, mi ikan yom kembei ta you. Pa inḡi toono swoono igarau kek. Tamen niom kakamam kinkiini be kondou koronḡ boozo mete pa ituyom. Koronḡ tiom tana, ta iswe yom pa sanaana tiom. ✧

<sup>4</sup> Kere! Wal ta tikamam uraata pa mokleene tiom na, kiḡgingiimi kat zin som. Mi pat kizin pakan kalwoono ta kuruutu ma imbotmbot, ina iboboobo sala pa Merere. Pa tiḡiizi kizin wal tiom uraata kan na, Anutu mbura keskeeḡḡana ileḡ kek. ✧

<sup>5</sup> Niom, mbotḡana tiom ta kakam su toono, ina ambai men. Kembel mbeeḡḡana pa koronḡ kuliyom kana. Tabe kutum kat leyom ma tau! Tana kere yom. Pa aigule tabe tikas yom i, ta ka nol igarau kek. ✧ <sup>6</sup> Pa zin tomtom ndeeḡḡan ta len uunu sa isaana som na, niom kapamender zin, mi kupun zin ma timetmeete. Mi zin naman ise ma tiporoukaala zitun som. ✧

*Iti tagabiizi itundu, mi tasa Merere kiti*

<sup>7</sup> O niom tonḡmatiziḡ tio, kemender mbolḡana mi kabaada patanḡana, mi kazza Merere kiti be imiili ma imar mini. Kakam ḡgar pizin tomtom ta tiwaswaaza kini pa mokleene kizin. Zin keten pitpit som. Tiur matan pa mai ambaiḡana tabe ipet pa kaimer i, mi tizza zonḡ mi yaḡ be ikam ma toono ipiyooto kini ḡonoono. ✧ <sup>8</sup> Ina mbulu raraate men piti. Bela temender mbolḡana mi tabaada patanḡana, mi tazza Merere kiti. Pa molo som to imiili ma imar mini. ✧

---

✧ **5:2-3:** Mt 6:19 ✧ **5:4:** Lo 24:14+ ✧ **5:5:** Lu 12:19+, 16:19+  
 ✧ **5:6:** Mt 5:39 ✧ **5:7:** Mk 4:26+; Lu 21:19; Ibr 10:36+ ✧ **5:8:**  
 Ro 13:11+; Ibr 10:37; 1Pe 4:7

<sup>9</sup> Tana koyyo kwoyom pa waeyom bizin pepe. Pa Ni tabe itiiri iti pa mbulu kiti i, imendernder kataama kwoono i. Kokena ingal motoyom. ☆

<sup>10-11</sup> O niom tonmatizij tio, motoyom ise ki Anutu kwoono bizin ta munju tikam sua kini na. Iti tere zin kembei kampenana ki Anutu imbot se kizin. Paso, patajana boozo izze kizin, mi timbot noobo kat. Tamen timender mboljana mi tibaada patajana boozomen tana ma irao swon. Mbulu kizin tana, ina iwe kin ambainana piom be koto. Mi kakam ngar pa Yop tomini. Mbol kini, niom kelen kek. Ni, patajana boozomen ikami. Tamen izem urlana kini som, mi imender mboljana. Tanata kaimer Anutu iuuli mi ikampe i kat. Pa Anutu, ni leleene izanzaana piti, mi imunainai iti. ☆

<sup>12</sup> Niom tonmatizij tio, koronj biibi kat tabe motoyom ingalngal, ina ta kembei: Sombe kumbuk sua pa koronj sa, na kapaata koronj saamba kana, som koronj toono kana, som koronj toro sa zaana be ipombol sua tiom tana pepe. Tana sombe kumbuk sua be kakam koronj sa, na koso ta kembei: “E, nio ko ankam.” Mi sombe leleyom be kakam som, na koso ta kembei: “Som, nio ko ankam som.” Koso men ta kembei, mi koto sua tiom. Ina irao. Kokena Anutu ingal motoyom. ☆

*Sunjana kizin wal urlanan, ina koronj mburaanana*

<sup>13</sup> Sombe tomtom tiom tasa patajana indeeni, na bela isun pa Anutu. Mi sombe tomtom sa

---

☆ **5:9:** 1Kor 4:5; Yems 4:11    ☆ **5:10-11:** Kam 34:6; Yop 1:20+, 42:10; Mbo 103:8; Mt 5:12    ☆ **5:12:** Mt 5:33+

imbot ndabok mi menmeeni, na bela imbo mboe mi ipakur Anutu zaana. ✧ <sup>14</sup> Mi sombe tomtom sa, ni mete ikami, na bela iboobo zin mboronjan ki lupņana tiom ma tila kini, be tisuulu ngere sala kuliini, mi tisun Anutu be iurpe i. ✧ <sup>15</sup> Mi sombe tisun raama lelen iurla, inako Merere iurpe tomtom tana, mi iwiti ma imanġa. Mi sombe tomtom tana ikam sanaana, na Merere ko ireege pini. ✧ <sup>16</sup> Tana kaparswe sanaana tiom, mi kaparsun piom. Naso Anutu iurpe yom ma niyom ambai. Pa sunņana ki tomtom ndeenņana, ina koron mburaananjana mi iurur ŋonoono. ✧

<sup>17</sup> Motoyom ise ki Anutu kwoono Iliia. Ni tomtom raraate kembei ta iti. Mi indeenje ta ni ikamam sunņana mbolņana pa Anutu be yan isu pepe, na Anutu ileņ sunņana kini, mi yan sa isu som ma irao ndaama tel mi pakaana. ✧ <sup>18</sup> Mi kaimer ni isun mini be yan isu, to Anutu ikam ma yan isu. Tabe toono ipiyooto kini ŋonoono ma ipet mini. ✧

*Lende uraata be tapazal zin tomtom ta tipaņoobo*

<sup>19</sup> O niom tonmatizij tio, sombe tomtom tiom tasa ipaņoobo pa zaala ki sua ŋonoono, na niom leyom uraata be kakami ma imiili mini. ✧ <sup>20</sup> Mi lelen be kuute kat ta kembei: Sombe tomtom sananņana sa isanņan pa zaala ki Anutu, na tomtom ta so ikami ma imiili mini, nako ikamke tomtom tana pa meetenjana, mi iwe zaala pa sanaana kini ta boozomen be imap ma ila ne. ✧

---

✧ **5:13:** Ep 5:19; Pil 4:6; Kol 3:16 ✧ **5:14:** Mk 6:13,18 ✧ **5:15:** Mt 9:2 ✧ **5:16:** Mbo 34:15+; Yo 9:31; 1Yo 1:9 ✧ **5:17:** 1Kin 17:1+; Lu 4:25 ✧ **5:18:** 1Kin 18:42+ ✧ **5:19:** Mt 18:15; Ga 6:1 ✧ **5:20:** 1Tim 4:16; 1Pe 4:8



**Anutu Sua Kini Potomaxana  
Genesis, Exodus, Ruth, Psalms, Proverbs, Jonah, and  
The New Testament in the Mbula Language of Papua  
New Guinea  
Sampela hap Buk Baibel long tokples Mbula long  
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593